

OFFICIA PROPRIA

DIŌCESIS

BEROLINENSIS

JUSSU ET AUCTORITATE

REVERENDISSIMI

ET EXCELLENTISSIMI DOMINI

CONRADI DE PREYSING

EPISCOPI BEROLINENSIS

EDITA

PARS HIEMALIS

1939

RATISBONÆ

SUMPTIBUS ET TYPIS FRIDERICI PUSTET

S. SEDIS APOSTOLICÆ ET S. RITUUM CONGREG. TYPOGRAPHI

SACRA CONGREGATIO RITUUM

No. B. 14/39

BEROLINEN.

Post novi Kalendarii Diœceseos Berolinensis diei 23 Octobris anno 1931 approbationem, Exc.mus ac Rev.mus Dominus Conradus de Preysing, Berolinensis Episcopus, Officia propria in usum cleri sibi commissæ Diœceseos concinnanda curavit, et Sanctissimi Domini nostri Pii Papæ XII iudicio reverenter subjectit. Eorundem vero Officiorum revisione et emendatione diligenti studio peracta, Sacra Rituum Congregatio ea probari posse censuit. Facta postmodum super hæc Eidem Sanctissimo Domino nostro per infrascriptum E.mum Cardinalem Præfectum relatione, Sanctitas Sua, Officia propria Diœceseos Berolinensis, prouti in adjecto prostant exemplari, probare et ab ejusdem Diœceseos clero adhibenda concedere benigne dignata est; servatis Rubricis et Declaratione de Sanctis vel Beatis alicubi publico cultu honoratis absque certo S. Sedis decreto vel indulto, die 28 Aprilis 1914 data. Contrariis quibuscumque non obstantibus. Die 21 Junii 1939.

L. † S.

C. Card. Salotti S. R. C. Præfectus
A. Carinci S. R. C. Secretarius

APPROBATIO

Concordat cum originali approbato.

Berolini, die 20 Augusti 1939

PRANGE
Vic. Gen.

IMPRIMATUR.

Ratisbonæ, die 26 Augusti 1939

v. n.
DR. DOEBERL

KALENDARIUM
DIŒCESIS BEROLINENSIS

a Sacra Rituum Congregatione
revisum et approbatum die 23 Octobris 1931

November

b	27	
c	28	
d	29	Vigilia. Com. S. Saturnini Mart.
e	30	† S. Andreae Apostoli, duplex II classis.

December

f	1	
g	2	S. Bibianæ Virg. et Mart., semiduplex.
Δ	3	S. Francisci Xaverii Conf., duplex majus.
b	4	S. Petri Chrysologi Ep., Conf. et Eccl. Doct., duplex. Com. S. Barbaræ Virg. et Mart.
c	5	Commemoratio S. Sabbæ Δbb.
d	6	S. Nicolai Ep. et Conf., duplex.
e	7	S. Ambrosii Ep., Conf. et Eccl. Doct., duplex.
f	8	†† Conceptio immaculata B. Mariæ Virg., duplex I classis cum Octava communi.
g	9	De Octava Conceptionis immaculatæ, semiduplex.
A	10	De Octava Conceptionis immaculatæ, semiduplex. Com. S. Melchiadis Papæ et Mart.
b	11	S. Damasi I Papæ et Conf., semiduplex. Com. Oct. Conceptionis immaculatæ.
c	12	De Octava Conceptionis immaculatæ, semiduplex.
d	13	S. Luciae Virg. et Mart., duplex. Com. Oct. Conceptionis immaculatæ.
e	14	De Octava Conceptionis immaculatæ, semiduplex.
f	15	Octava Conceptionis immaculatæ B. Mariæ Virg., duplex majus.
g	16	S. Eusebii Ep. et Mart., semiduplex.
A	17	
b	18	
c	19	
d	20	Vigilia.
e	21	† S. Thomæ Apostoli, duplex II classis.
f	22	
g	23	
A	24	Vigilia.
b	25	†† Nativitas D. N. J. C., duplex I classis cum Octava privilegiata III ordinis.
c	26	† S. Stephani Protomartyris, duplex II classis cum Octava simplicis. Com. Octavæ Nativitatis.

- d 27 † S. Joannis Apostoli et Evangelistæ, duplex II classis cum Octava simplici. Com. Octavæ Nativitatis.
 e 28 † Ss. Innocentium Martyrum, duplex II classis cum Octava simplici. Com. Octavæ Nativitatis.
 f 29 S. Thomæ Ep. et Mart., duplex. Com. Octavæ Nativitatis.
 g 30 De Octava Nativitatis, semiduplex.
 A 31 † S. Silvestri I Papæ et Conf., dupl. Com. Oct. Nativitatis.

Januarius

- A 1 † Circumcisio Domini et Octava Nativitatis, duplex II classis.
 Dominica inter Circumcisionem et Epiphaniam — Sanctissimi Nominis Jesu, duplex II classis.
 b 2 Octava S. Stephani Protomartyris, simplex.
 c 3 Octava S. Joannis Ap. et Ev., simplex.
 d 4 Octava Ss. Innocentium Mm., simplex.
 e 5 Vigilia Epiphaniæ, semiduplex. Com. S. Telesphori Papæ et Mart.
 f 6 †† Epiphania Domini, duplex I classis cum Octava privilegiata II ordinis.
 Dominica infra Octavam Epiphaniæ — Sanctæ Familiæ Jesu, Mariæ, Joseph, duplex majus. Com. Dominicæ et Oct.
 g 7 De Octava Epiphaniæ, semiduplex.
 A 8 De Octava Epiphaniæ, semiduplex.
 b 9 De Octava Epiphaniæ, semiduplex.
 c 10 De Octava Epiphaniæ, semiduplex.
 d 11 De Octava Epiphaniæ, semiduplex. Com. S. Hygini Papæ et Mart.
 e 12 De Octava Epiphaniæ, semiduplex.
 f 13 Octava Epiphaniæ, duplex majus.
 g 14 S. Hilarii Ep., Conf. et Eccl. Doct., duplex. Com. S. Felicis Presbyteri et Mart.
 A 15 S. Pauli primi Eremitæ, Conf., duplex. Com. S. Mauri Abb.
 b 16 S. Marcelli I Papæ et Mart., semiduplex.
 c 17 S. Antonii Abbatis, duplex.
 d 18 Cathedra S. Petri Romæ, duplex majus. Com. S. Pauli Ap. et S. Priscæ Virg. et Mart.
 e 19 Ss. Marii, Marthæ, Audifacis et Abachum Mm., simplex. Com. S. Canuti Regis, Mart.
 f 20 Ss. Fabiani Papæ et Sebastiani Mm., duplex.
 g 21 S. Agnetis Virg. et Mart., duplex.
 A 22 Ss. Vincentii et Anastasii Mm., semiduplex.
 b 23 S. Raymundi de Peñafort Conf., semiduplex. Com. S. Emerentianæ Virg. et Mart.
 c 24 S. Timothei Ep. et Mart., duplex.
 d 25 Conversio S. Pauli Ap., duplex majus. Com. S. Petri Ap.
 e 26 S. Polycarpi Ep. et Mart., duplex.
 f 27 S. Joannis Chrysostomi Ep., Conf. et Eccl. Doct., duplex.
 g 28 S. Petri Nolasci Conf., duplex. Com. S. Agnetis Virg. et Mart. secundo.

- A 29 S. Francisci Salesii Ep., Conf. et Eccl. Doct., duplex.
 b 30 S. Martinæ Virg. et Mart., semiduplex.
 c 31 S. Joannis Bosco Conf., duplex.

Februarius

- d 1 S. Ignatii Ep. et Mart., duplex.
 e 2 † Purificatio B. Mariæ Virg., duplex II classis.
 f 3 S. Blasii Ep. et Mart., simplex.
 g 4 S. Rabani Mauri Ep. et Conf., duplex. Com. S. Andreae Corsini Ep. et Conf., duplex.
 A 5 S. Agathæ Virg. et Mart., duplex.
 b 6 S. Titi Ep. et Conf., dupl. Com. S. Dorotheæ Virg. et Mart.
 c 7 S. Romualdi Abb., duplex.
 d 8 S. Joannis de Matha Conf., duplex.
 e 9 S. Cyrilli Ep. Alexandrini, Conf. et Eccl. Doct., duplex. Com. S. Apolloniæ Virg. et Mart.
 f 10 S. Scholasticæ Virg., duplex.
 g 11 Apparitio B. Mariæ Virg. immaculatæ, duplex majus.
 A 12 Ss. septem Fundatorum Ordinis Servorum B. M. V., Cc., duplex.
 b 13
 c 14 S. Valentini Presbyteri et Mart., simplex.
 d 15 Ss. Faustini et Jovitæ Mm., simplex.
 e 16
 f 17
 g 18 S. Simeonis Ep. et Mart., simplex.
 A 19
 b 20
 c 21
 d 22 Cathedra S. Petri Ap. Antiochiæ, dupl. majus. Com. S. Pauli Ap.
 e 23 S. Petri Damiani Ep., Conf. et Eccl. Doct., dupl. Com. Vigil.
 f 24 † S. Matthiæ Apostoli, duplex II classis.
 g 25
 A 26
 b 27 S. Gabrielis a Virgine Perdolente Conf., duplex.
 c 28

Martius

- d 1
 e 2
 f 3
 g 4 S. Casimiri Conf., semidupl. Com. S. Lucii I Papæ et Mart.
 A 5
 b 6 Ss. Perpetuæ et Felicitatis Mm., duplex.
 c 7 S. Thomæ de Aquino Conf. et Eccl. Doct., duplex.
 d 8 S. Joannis de Deo Conf., duplex.
 e 9 S. Francisæ Romanæ Viduæ, duplex.
 f 10 Ss. Quadragenta Martyrum, semiduplex.
 g 11
 A 12 S. Gregorii I Papæ, Conf. et Eccl. Doct., duplex.
 b 13

OFFICIA PROPRIA
DICECESIS BEROLINENSIS

PARS HIEMALIS

Die 4 Februarii

* **S. Rabani Mauri**
Episcopi et Confessoris
Duplex

V. Amávit eum Dóminus, et ornávit eum. **R.** Stulam glóriæ induit eum.
Ad Magnif. Ant. Sacerdos et Póntifex, * et virtútum ópifex, pastor bone in pópulo, ora pro nobis Dóminum.

Oratio

Deus, qui pópulo tuo ætérnæ salútis beátum Rabánum místrum tribuísti: præsta, quæsumus; ut, quem doctórem vitæ habúimus in terris, intercessórem habére mereámur in cælis. Per Dóminum nostrum.

Et fit Commemoratio S. Andreae Corsini Ep. et Conf. (duplex):

Ant. Amávit eum Dóminus, et ornávit eum: stulam glóriæ induit eum, et ad portas paradísi coronávit eum.

V. Justum dedúxit Dóminus per vias rectas. **R.** Et osténdit illi regnum Dei.

Oratio

Deus, qui in Ecclésia tua nova semper instáuras exémpa virtútum: da pópulo tuo beáti Andréæ Confessóris tui atque Pontificis ita sequi vestígia; ut assequátur et præmia. Per Dóminum.

In II Nocturno

Lectio iv

Rabánus cognóméto Maurus, húmili apud Buchónios Germániæ pópulos génere ortus, ab adolescéntia sua sacrárum litterárum lectióni ac meditatióni inténtus, adhuc júvenis ad sancti Benedicti régulam se applicuit in eádem, in qua natus et altus, urbe Fuldénsi, tam móribus quam sciéntia mirábiliter profécit et exinde, ut álii ibi quoque proficerent, laborávit, schola

pública in cœnóbio Fuldēsi institúta, quam étiam abbas egrégie promovit tanto religiosórum ilórum emolumento, ut eórum sub hujus ducis et magístri cura et disciplina laus et fama per totam Európan celebráta fuerit. Ipse tum propter exímiam vitæ sanctitátem, tum propter incomparábilem sciéntiam scripturárum a sancto Albérto Magno ecclēsiæ doctóris elógio decorátus est. Ad extrémum tamen nonnullos religiosórum sibi infēnsos hábuít, qui dicébant, nímium lítteris inténtum temporália negligere: quorum iræ ut locum daret, relicto monastério, ad Ludovicum Pium Imperátorem sese recépít.

R. Invéni David servum meum, óleo sancto meo unxi eum: * Manus enim mea auxiliábitur ei. **V.** Nihil proficiet inimicus in eo, et filius iniquitátis non nocébit ei. **Manus.**

Lectio v

Ita vir mitíssimus non, quæ sua sunt, quærens, suæ cessit abbatíæ et recéssit inglórius; verum Deus pro Fulda repéndit

Mogúntiam, Otgárii archiepiscopi decéssu pastóre destitútam, ubi ille velut e sublimióri loco clárus resplénduit. Ad servándam fidei integritátem et reformándos tam cleri quam pópuli mores inténus únice, duas coégit Sýnodos, provinciálem unam, nationálem álteram et in iis hæresiárcham Godeschálcum, de prædestinatióne male sentiéntem, damnávit et ália quam plúrima ad decórem et utilitátem ecclēsiæ constitúit, pro cuius immunitáte étiam eo témpore passim a ministris princípum sæculárum pessúmdata severíssimas leges cóndidit et eárum ratihabitiónem ab imperátore velut sanctæ Dei ecclēsiæ advocáto, missa ad eum epístola synó dica, obtínuit.

R. Pósui adjutórium super poténtem, et exaltávi eléctum de plebe mea: * Manus enim mea auxiliábitur ei. **V.** Invéni David servum meum, óleo sancto meo unxi eum. **Manus.**

Lectio vi

In páuperes insígni semper misericórdia ferébátur, quam anno octin-

Pro S. Andrea Corsini: Lectio ix

gentésimo quinquagésimo, cum gravíssima fames Germaníam oppressisset, exhibuit, dum in dies plus quam trecéntis victum præbuit, excéptis iis, qui in præsentia ipsíus vescebántur assidue. Tandem contínuis pro glória Dei labóribus exháustus, advitam migrávit immortálem quarto die Februárii, anno Dómini octingentésimo quinquagésimo sexto, pontificátus sui nono. Sacrum ejus corpus in ecclēsia divi Albáni Mogúntiæ tumulátum ab Albérto cardínali et archiepiscopo Mogúntino cum reliquiis sancti Máximi solémni processióne Hallas in Saxóniam auctoritáte apostólica translátum est.

R. Iste est, qui ante Deum magnas virtútes operátus est, et omnis terra doctrína ejus repléta est: * Ipse intercédát pro peccátis ómnium populórum. **V.** Iste est, qui contempsit vitam mundi, et pervénit ad cæléstia regna. **Ipse. Glória Patri. Ipse.**

In III Nocturno Homilia in Evangelium Vigiláte, de Comuni Conf. Pont. 2 loco.

Andréam, Floréntiæ ex nobili Corsinórum familia natum, paréntes précibus a Deo impetrárant, et Deíparæ spondérunt. Adoléscentem pie educátus, sensim ad vítia proclivis, sæpe a matre increpátus fuit. Ubi autem cognóvit se paréntum voto beátæ Virgini dicátum fuisse, Dei amóre succensus, Carmelitárum institútum amplexus est, cuius regímni in Etrúria præféctus fuit. Intérea Fesulána ecclēsia, suo viduáta pastóre, eum sibi episcopum elégit; quod munus, ne divinæ contradiceret voluntáti, tandem suscepit, et summo cum animárum zelo et pastoráli sollicitúdine adimplévit. Ab Urbáno quinto ad sedándas Bonóniæ turbas legátus missus, mortália civium ódia, summa prudéntia restínxit. Assiduis labóribus ac pœnis conféctus, quiévit in pace anno millésimo tercentésimo septuagésimo tertio, ætátis suæ septuagésimo primo. Quem Urbánus octávus Sanctórum número adscripsit. **Te Deum laudámus.**

Ad Laudes

V. Justum deduxit Dominus per vias rectas. **R.** Et ostendit illi regnum Dei.

Ad Bened. Ant. Euge, serve bone * et fidelis, quia in pauca fuisti fidelis, supra multa te constituam, dicit Dominus.

Oratio

Deus, qui populo tuo aeternae salutis beatum Rabanum ministrum tribuisti: praesta, quaesumus; ut, quem doctorem vitae habuimus in terris, intercessorem habere mereamur in caelis. Per Dominum nostrum.

Et fit Commemoratio S. Andreae Corsini:

Ant. Sacerdos et Pontifex, et virtutum opifex, pastor bone in populo, ora pro nobis Dominum.

V. Amavit eum Dominus, et ornavit eum. **R.** Stulam gloriae induit eum.

Oratio

Deus, qui in Ecclesia tua nova semper instauras exempla virtutum: da populo tuo beati Andreae Confessoris tui atque Pontificis ita sequi vestigia; ut assequatur et praemia. Per Dominum.

In II Vesp. a Cap. de S. Agatha Virg. et Mart. Com. S. Rabani Mauri:

Ant. Amavit eum Dominus, et ornavit eum: stulam gloriae induit eum, et ad portas paradisi coronavit eum.

V. Justum deduxit.

Oratio Deus, qui populo, ut supra.

Deinde fit Commemoratio S. Andreae Corsini:

Ant. Euge, serve bone et fidelis, quia in pauca fuisti fidelis, supra multa te constituam, dicit Dominus.

V. Amavit eum.

Oratio Deus, qui in Ecclesia, ut supra

ADDENDA ET VARIANDA
IN LECTIONE MARTYROLOGII

JUXTA

KALENDARIUM BEROLINENSE PROPRIUM

Die 4 Februarii

Moguntiae sancti Rabani Mauri, primo Abbatis monasterii Fuldensis, deinde Archiepiscopi Moguntini, qui doctrina et sanctitate vitae Germaniam per decem circiter lustra illustravit.

¶ Juxta declarationem S. Rituum Congregationis diei 28 Aprilis 1914 in hoc Proprio Asterisco notatur Sanctus, qui neque in Martyrologio Romano descriptus est neque publico cultu a Sancta Sede certe decreto et confirmato potitur, sed ex immemorabili consuetudine publico ac religioso cultu honoratur cum Officio et Missa.